

清代貴州名賢像傳第一集第四卷目錄

李端棻	一
丁澤安	一
楊樹	八
劉春霖	一
華聯輝	一五
羅文彬	一九
陳燦	二三
陳田	二九
袁思韜	三三
楊調元	四〇
趙以炯	四五
雷廷珍	五二



李端棻

李端棻，字苾園，貴筑人。幼孤，依母以育，而季父朝儀實教養之。朝儀以學問吏治聞於時，以古聖賢之教率其家。於羣子姓中愛端棻獨摯，所以督課之者良厚。故端棻立身行事，大節凜然不可犯。弱冠補博士弟子員。同治癸亥年二十九歲，以聯捷成進士，入翰林。其時大學士倭仁方倡程朱之學，以勵末俗。端棻受其薰陶，而德以大進。丁卯典山西試，庚午分校順天鄉試。壬申督雲南學政，時滇亂甫戢，民生凋悴。端棻校士之暇，輒爲疆吏籌教養諸大政，多所贊畫。有驕將以重賄爲子弟干進，端棻正色斥之，風烈振厲。總督岑毓英敬禮有加，欲薦仕滇藩，共靖滇宇，端棻辭焉。旋以憂歸，服闋入都，遷監察御史。以朝儀尹京兆，回避反詞曹。光緒己丑，以內閣學士典廣東試，辛卯典四川試，甲午典山東試，壬辰副會試總裁，歷遷刑部侍郎，權工部侍郎，補倉場總督。戊戌七月授禮部尙書，未逾月而遣戍之命下。端棻之爲言官也，以直聲聞。籌海防，論武備，拳拳焉幾國恥之一雪。其議大禮一疏益言人所不敢言，識者謂司馬光歐陽修之濮議皆不及焉。其歷次典試，所拔擢皆一時知名士，世亦以比廬陵。梁啓超其尤著者也。典試廣東時，既議啓超於衆人之中，復妻之以妹。其後啓超所以効用於國家者甚大，人服其有知人鑑。其權工部也，監修陵工，前此奉職者率以侵冒爲固。然端棻嚴絕苞苴，同列憚之，官紀一肅。其督倉場也，覩漕運之極弊，抗疏請盡撤漕倉諸官，而身乞退職，以爲

之倡。夫在前代交通未開，設官輓南漕，以餉京師，固非得已。然歲糜國帑千萬，衆冗吏，利已不勝其病。海運既通，漕員益成贅疣，人人知其敝而莫肯言。端棻倡汰冗官之議，而所汰則請自隗始，蓋所知者國家之利害，而藐躬未遑計也。國家既可其奏，益鑒其誠，遂爲春官長。當是時，清廷精勵圖治，興利革弊，日不給。求賢才若飢渴。端棻感於時機迫切，非變法不足以圖強，因抗疏請大改官制，設立法之府，盡舉所知以進。未幾大獄興，黨禍作，遂有新疆之謫。端棻既遠戍，而庚子之亂旋作。身在戍所，恥國威之墜落，國權之凌夷，以其忠愛發爲詩歌。其後大難粗靖，清廷痛定思痛，漸諒其忠，疇昔建議往往見諸施行，遂得賜環，旋復故秩，而年固已老矣。既返里，主講席，猶復以獎勵後進，開通風氣爲己任。時本省鐵路鑛產誕者數國，端棻以利器不可假人，民膏不可外溢，首倡自辦，以杜隱憂。蓋其爲國爲民之心歷數十載如一日也。生平制行方正，而和以待人。自奉淡泊，而博施濟衆。服官數十年，所得俸錢咸散諸親舊。其視諸從昆弟諸從子如己，飲食衣服相共也。性至孝，以母茹貧撫孤，備嘗荼蘼，既得祿養，先意承志，靡所不至。事朝儀如父，髮斑白猶孺慕如幼年云。生於道光十三年九月初十日，卒於光緒三十三年十月十二日，年七十有五歲。葬貴陽大關口。惕安於丁未八月得見於達德學堂紀念會場，侍者二人扶掖登階，雙目炯炯如電，蹠朱履，袍色蔚藍，鬚髯若雪，時距夢奠纔二月耳。及今追思，老輩風徽，至深引慕。

附錄

翰林學士許澤新等呈都察院文曰，呈爲已故革職大員宣力有年一肯不掩理合籲懇天恩開復原官聯名呈請代奏事，竊查已故開復原銜革職禮部尙書李端棻，於光緒二十四年四月因盜匪人，自請治罪，奉旨革職遣戍新疆。二十七年恩敘回籍。三十年恩詔開復原銜。三十三年身故。當經奏報在案。職等伏查李端棻係貴州貴筑縣人，由同治癸亥進士入翰林，改御史，以敢言著稱於時。旋因親叔李朝儀內擢順天府府尹，遵例回籍，仍回原衙門供職。出入翰詹內閣，游升刑部侍郎，調補倉場侍郎，擢禮部尙書。以文學受穆宗德宗兩朝知遇，屢司文衡。一爲順天府鄉試同考官，一爲會試主考官，一爲雲南學政，歷充山西廣東四川山東主考官。所至皆能識拔名宿，文風丕變。其在雲南學政任時，值滇亂初平，前任學臣所畏難形至者，該革尙書皆一一接臨，期共沐中興文化。念地方凋敝，則躬先節儉，嚴杜需求。終日危坐堂皇，悉心校閱。權吏有以賄賂干進者，輒正色斥之。時值選拔之年，士多寒賤。乃時總督劉嶽昭，巡撫岑毓英，合詞請援滇黔兩省舉人會試，給火牌馳驛至京，得旨准如所請。嗣後滇黔優貢拔貢赴京朝考，得給火牌馳驛，實自該革尙書建議始。迨光緒甲午以後，時勢多艱，需才孔亟。該革尙書時官刑部侍郎，念人才之多寡繫國勢之強弱，乃有推廣學校之請。疏上，頗蒙德宗採納施行。其請自京師以及省府州縣皆設學堂，則後來停罷科舉專注學堂之辦法也。其請府州縣學選民間俊秀子弟年十二至二十者入學，則今日各府州縣兩等學堂之辦法也。其請省學選諸生二十五歲以下者入學，則今日各省中學堂之辦法也。其請立京師大學，選舉貢監年三十以下者入學，其京官願學者聽之。則後來大學堂仕學館分科大學法科財政等學堂之辦法也。其請分齊講習，等其榮選，一舉科第，予以出身，亦如省官，則今日學部爲試京外各學堂暨出洋留學畢業生與以舉貢，殿試與以進士出身，除授翰林部屬等官之辦法也。其請設藏書樓，則今日設圖書館之辦法也。其請選派游歷，則今日資遣學生出洋肄習新學之辦法也。該革尙書是述此摺在光緒二十二年，是時風氣未開，已能切中窽要如此，宜其源荷德宗優鑒也。該革尙書回籍後，貴州巡撫延主經世學堂講席，諄諄以開通風氣導引後進爲務。按月兩開講演，教以立身敦品根抵之學，備他日朝廷器使。及其臨沒前數日，猶諄屬子弟出資捐助學堂經費。又念全節堂爲風化所關，亦令子弟措資捐助。其關心君國，誼篤桑梓，鄉人士至</

今猶稱頌之。職等竊查戊戌案內譴斥大員，如已革戶部尚書協辦大學士翁同龢，已故永不敘用湖北巡撫曾某，經臣工奉請仰荷皇上天恩，并准開復原官，薄海臣民同聲感頌。李端棻起家詞臣，効力最久，目擊時艱，志切獻替，惜其徒抱愛士熱誠，未預精知人藻鑑，致蹈愆尤。然不待天罰之及，自請治罪，則其誠雖昧，而心究可原。姑予薄懲，旋遵恩旨，兩宮固鑒原之。我皇上迪紹前光，敘返有罪，體上天降鑒之心，定罪疑惟輕之令。職等籌議，諒屬同壤，於李端棻服官居鄉事蹟見聞較確，用敢聯名具呈，以實直陳，伏乞 聖鑒情代奏，仰求酌量 恩，不勝悚惶待命之至。謹呈。

附錄批，宣統元年十月二十七日，奉諭旨都察院奏代遞翰林院學士許澤新等請將已故開復原銜禮部尚書李端棻開復原官一摺，李端棻著恩開復原官，該部知道，欽此。

梁啓超清光祿大夫禮部尚書李公崇誌銘云，啓超以光緒己丑受學貴筑李公，旋增公妹，飲食教誨於公者且十年。戊戌啓超以國事獲罪，幸東瀛，公亦以同罪戍西域，遂不復相見又十年。而公薨於里第，海內識與不識，匪不歎悼，顧哀感未有如啓超深者也。公諱端棻，字必園。其先湖南衡州府清泉縣人。曾祖某某，祖某某，俱順天府尹，後留公官祖始徙黔，乃籍貴陽之貴筑。公某某，以公貴贈如其官。母何氏，贈一品夫人。公幼而孤，依母以育，而李父京兆公朝儀實於養之。京兆公者，啓超外舅也。以道學吏治聞於時，事具國史本傳。京兆公既以古聖賢之教率其家，而於諸子中愛公獨摯，所以督之者良厚，故公終其身立身事君大節凜然不可犯，一如京兆公。弱冠補博士弟子員，同治癸亥，年二十九，以聯捷成進士，入翰林。倭文端難文格方倡程朱學以厲末俗，公咸從奉手，有所受焉。丁卯典山西試，庚午分移順天試，壬申督雲南學政。時滇亂甫戢，民生彫悴，公校士之暇，輒爲驅吏籌教養諸大政，多所贊畫。有驕將以重賄爲子弟干進，公正色斥之，風烈振勵。巡撫岑襄勳公敬禮有加，欲薦仕瀛海，共靖滇宇，公辭焉。旋母太夫人薨養任所，公哀哀骨立，奉櫬歸里。振寬恤賈，族鄰謳思。服闋入都，遷監察御史。未幾京兆公尹京兆，回避返詞曹，光緒己丑，以內閣學士典廣東試，辛卯典四川試，甲午典山東試，壬辰副會試總裁。歷遷刑部侍郎，權工部侍郎。

耶，總督倉場，戊戌七月授禮部尚書，未逾月而遭戍之命下。公之爲言官也，以直聲聞，籌海防，論武備，拳拳焉獲國聽之一雪。其議大體一疏益言人所不敢言，識者謂司馬文正歐陽文忠之漢議皆不及焉。其歷次典試，所拔擢皆一時知名士，世亦以比廬陵。其權工部也，監修陵工，前此奉職者率以侵冒爲固然，公嚴絕苞苴，同列憚之，官紀一肅。其督倉場也，視漕運之極弊，抗疏請盡撤漕倉諸官，而身乞退職，以爲之倡。夫在前代交通未開，設官輓南漕以餉京師，固非得已。然歲糜國帑千萬家冗吏，利已不勝其病。海運既通，漕員益成贅疣，人人知其敝而莫肯言，則甚矣積習之中人烈也。公倡汰冗官之議，而所汰則請自隗始，蓋所知者國家之利害，而藐躬未遑計也。嗚呼忠矣。天子旣可公奏，益鑒公誠，遂受特達知，爲春官長。是時朝廷宵旰圖治，興利革弊，日不給。求賢才若飢渴。公旣抗疏請大改官制，設立法之府，益盡以人事君之道，舉所知以進。未幾疑獄興，黨禍作，天子惓念重臣不忍加斥，而吏議持之，遂有新轍之謫。嗚呼，古名臣大儒其遭遇與公一轍者，何可勝道。後之良史未或有私焉。以公夙性恬退，得失久置度外，繫帶之褊不足爲公辱，俎豆之名不足爲公榮，獨其所策國家百年大計贖於中道，未獲觀其成，而實志以沒，此則公所爲不瞑於九京也。公旣遠戍，而大亂旋作，胡騎犯關，乘輿蒙塵。公在戍所不憂一身之陷阻。而憂君父之不卽安，不恥惡衣惡食，而恥國威之墜落，國權之凌夷，以其忠愛發爲詩歌，蓋左徒之在江潭，拾遺之貳同谷，志潔言芳，後先同揆矣。天心悔禍，大難粗靖。朝廷痛定思痛，漸諒公忠，嚮昔建議往往見諸施行，遂命賜環，旋復故秩，而公固已幸矣。旣返故里，主講席，猶復以獎勵後進，開通風氣爲己任。黔中鐵路礦產誕者數國，公以利益不可假人，民膏不可外溢，首倡自辦以杜隱憂。蓋其爲民請命之心，歷數十載如一日也。距夢奠卅數月，猶寓書啓超曰，昔人稱有三歲而翁，百歲而童。吾年雖逾七十，志氣尙如少年，天未死我者，猶將從君子後有所盡於國家矣。嗚呼，廉將軍之善飯，馬伏波之據鞍，以今方古，豈曰夏絕。天不慙道，奪我元老，悲夫。公制行方正，而和以待人。自奉淡泊，而博施濟衆。服官數十年，所得俸錢咸散諸親舊。其視諸從昆弟諸從子如己，飲食衣服相共也。性至孝，以母夫人茹貧撫孤，備嘗荼蘼，旣

云。妻傅氏，續娶王氏，皆贈封一品夫人，先公卒。蚤識生丈夫子女子各二，俱不育。以從弟端榮子葆忠嗣。有孫一人曰心良。公生於道光十三年癸巳九月初十日，薨於光緒三十三年丁未十月十二日，春秋七十有五。翌年戊申三月十二日葆忠奉其喪葬於貴州省城大關口先人之塋，馳書日本乞啓題爲銘。銘曰，神州赤縣一髮危，立憲期成庶起衰。議院之議嗜倡之，航航李公超也師。黃鐘聲洪里耳貽，七十荷戈征西陲。歸來幽怨託江蘺，大業不就鳴以詩。其言將行其人萎，功耶罪耶良史知，潛德或闕徵此辭。

凌惕安黔故掇拾云，鄉先輩之有名德者，余猶及見李慈園先生。光緒丁未歲，先生方主講在籍。常以其暇日視察學校。時余年十六，適在庠。遙見先生來，旣朱履，袍色蔚藍，修髯若雪，侍者二人扶掖登階，巡行久之始去。及今思之，老輩風徽，至深引慕。

清代貴州名賢像傳

第一集

第四卷

丁澤安



丁澤安


丁澤安，字勉初，貴陽人。黔之哲學家也。同治丁卯舉於鄉，光緒丙子考取內閣中書。庚辰大挑一等，以知縣用分發湖南，署衡州府常甯縣知縣。丁亥以憂歸，茹素三年，居喪盡禮。服闋後，淡於榮利，遂不復出山。感風波之靡時，慨然有志於哲學。奉程朱爲準的，精思妙契，獨得古人之祕。嘗病學人言理者或遺於物，博物者或疎於理。故四子六經皆有論說，而尤達於易象圖書，周官制禮，發先儒之所未發。嘗曰，余生平究心經學，詩學禮記春秋俱略有說，可以補充先儒之所未備，然非全力也。惟易有三易，連山歸藏三代以下竟成絕學，予直獨任之而不辭者，其自信太過歟，特無人焉能規吾過，而不自知也。又曰，黔之易學始於有明點易巖之易天爵，黔人推爲文教鼻祖，惜其書不傳。其後則孫山甫應鰲之易談，至清則陳定齋法之易箋，皆經探入四庫全書，其書具在，可以復案。此外更無人焉，足以繼往聖之絕學，復天下之文明者。此茫茫墜緒，不能不望古遙集也。噫，是可見其抱負矣。夫易之一道，包涵萬象，以今日科學言之，則天文，地理，哲學，數學皆不能出其範圍。乃國人之言易者，鈎河摘洛，鄰於神奇，不求實際應用，遂致如涉大水而無津涯，如行康莊而觸牆壁。原有文化不知發皇光大，可爲太息。澤安窮探力索，研幾極深，神謀而鬼諷，啓其蘊籥，竟構玄解，無從前奇僻之見。費數十年之精力，成自得齋易學四種，曰易學節解五卷，易學三編三卷，易學附圖二卷，易學彙

說一卷。又自得齋老學編一種，分上下兩卷，其中如正朔私議，黔省天文地理補遺，迎推法說，太極數爲交食用說，求朔望交食簡易法，古易卽古曆說，日行三年南北易位圖說等，皆與今世學說互相發明者也。清廷嘉其學，特予內閣侍讀銜以旌之。嘗主講貴山書院，循循善誘，以身作則，和氣盎春風，清光懸秋月，涵養之淳，品望之高，遐邇同欽，蓋粹然君子儒也。晚年於家祠之西南隅鑿六方池，中立一亭，亦爲六方，名曰履亭，亭外環列六石柱，每柱置梅花一盆，不時飲酒吟詩其中，藉以自娛，作六梅居士傳以見意。年八十有七歲，無疾而終，距生於道光丁酉年。

附錄

丁澤安六梅居士自傳云，居士不辨古今人也，早已隱其姓字。亭外六梅花，因以爲號焉。性愛梅，尤愛綠萼。曾數有四十五葉者，有五十五葉者，適與河洛數合，歎觀止焉。方圓難合，不隨時俯仰，讀書必求實獲，每有疑義輒發憤忘食。尤嗜易，解人急索不得。先生知其如此，或升堂而講之，叩端而竭，期於易入，不入亦聽，方且忘情。有屋有壘巍然可視星日，準圖考儀，往來獨步，健如也。嘗擬迎推遺法，卒成素志，任時顯晦，無所容心。贊曰，聖人有言，居上位而不驕，在下位而不憂，其言固若人之師乎。鈞河城洛以繼其天，先天內之人歟，後天內之人歟。

楊
樹



楊
樹

楊樹

楊樹，字珍林，安順人。立身謹嚴，而通達治體。同治六年舉於鄉，十年援例以內閣中書到閣行走。光緒五年委署侍讀，十五年補內閣中書。二十二年升補內閣侍讀。二十六年京察記名，以道府用，簡授山西蒲州府知府。二十七年到晉，先署澤州府知府，旋回本任。三十年調署太原，三十三年補授太原府知府，代行山西按察使事，兩次代理山西提學使。宣統元年升補甘肅甘涼道，道卒蘭州皇華館，年六十九歲。子恩元奉喪歸葬貴陽八里屯。樹自弱冠時，以父春發殉難施秉，爲羣子弟累，家中落。值黔大亂，橐筆遊蜀，遊江右。試禮部不第，乃援例入內閣。在內閣二十餘年，勤慎是勵，貞介自矢，爲歷任大學士所倚重。充文淵閣檢閱官。管理稽查房事務。凡所撰文，條理精密，識論宏通，索閱草稿者踵相接，而聲名日高。數次京察一等，最後記名以道府用。一麾出守，典郡山西，年亦垂垂老矣。當赴任時，以內閣前後簿籍並餘銀交後任，衆皆詫爲奇事。緣任內閣侍讀者，各了各事，贏縮不相問，由來已久。樹以公款不容假借，應事移交。生平不輕取予，類如此。到山西後，布政使吳廷斌以拳匪肇亂，澤潞最烈。且與西人交涉日繁，非才識優越者不能肆應，因檄署澤州府知府。先是澤屬鳳台高平殺教民數百人，燬天主教堂十餘處。前守陶志騶江忠立孚仁皆以處置失當撤革，而西人尙要挾不已，索款甚鉅。樹至，力持大體，不以外交戮一人以媚外。其以教案牽控者，亦不妄責一人以要功。爲

澤州籌百年久遠之計，而澤以大治。當軸者以成規既立，不難踵事裁成，始檄回蒲州本任。到任後，所以爲蒲州籌百年久遠之計者，亦如在澤州。政平訟理，羣情愛戴。遂乃量移首郡，治績爲全省之冠，一再傳旨嘉獎。山西人心強固，往往聚衆抗拒政令，偶一不慎，寢致不可收拾。如澤州之高平聚衆抗捐，蒲州之萬泉永濟糾衆抗糧，太原之太甯聚衆要挾，樹皆不動聲色，能定變於俄頃。他如勘災築堤，治河捕蝗，心力交瘁。所至尤注重教育，提倡文化，三晉人士至今謳思。代行按察使時，以弼教在於明刑，故尤慎重其事。代理提學使則統籌全省學務，側重蒙學小學以植初基。及與官紳商辦諮議局，力紆正論，無尋常拘迂之見，時論歸之。其後升授甘肅甘涼道，以古稀之年長途跋涉，遽以疾卒，可謂勞瘁矣。初官京師日久，曾兩次旋黔。同治甲戌之歸，由湘以來，道出黔東，具呈鎮遠施秉府縣出示訪求父葬處所，終不可得。仰天號泣，哀感行路。抵家後，於宗族戚鄰之間存卹備至，孝友出於天性。光緒丁亥之歸，適唐炯以巡撫銜督辦雲南礦務，應聘入滇，偕勘迤東昭通東川威甯各礦，深資臂助。居內外官四十年，艱苦卓絕，硜硜自守，不爲習尚者二十餘事。得失升沉一任自然，不枉道以求，粹然君子儒也。終身好學不倦，老而彌篤，手寫古人詩古文詞百數十卷。所著書有皇朝謠法表四卷，內閣撰擬文一卷，內閣票擬簽支程式八卷，澡雪堂文四卷，澡雪堂詩四卷，求心得齋雜記四卷，楹聯集句二卷，松窗小誌三卷，安順楊氏譜一卷，自訂年譜一卷。

附錄

參林自訂年譜自序有曰，余居內外官四十年，有不爲習尚者二十餘事，不拜認師生，不與人換帖稱弟兄，不爲人作壽序墓誌銘求財禮，不請人分資，不向堂官求差事，不代人擠賤，不向人除欠，不賒賂出京，不招妓狎僇，不夜宿於外，不飲酒至醉，不賭博，不當典衣物，不失色於人，不向人誑語，不占人便宜，不向人指誓，不與人互相代倩作文，不代人求竿牘，不結交部書票號鋪伙，不與外人往來，外任後，不以己事干求上司，不求朝貴所牘，不以節齋生育家下事招客稱賀，不受同官屬員餽遺，不薦幕友家丁，不濫用車票馬票。事必躬親，案無留牘，獄局無延擱之案，奏館無久押之人，官廳無守候之賓，衙門無游食之客。並無官親族黨在署，亦不招納往來間散之徒，馬夫，廚役，裁縫，剃頭等人，皆朝暮隨時雇用，不私蓄若輩。

劉春霖



劉春霖